

## Аллоҳ уларни лаънатлади

15:06 / 21.11.2018 3548

Аллоҳ таоло Тавба сурасида шундай марҳамат қилади:

جَهَنَّمَ نَارًا وَالْكَفَّارَ وَالْمُنْفِقَاتِ الْمُنْفِقِينَ اللَّهُ وَعَدَ

عَذَابٌ وَلَهُمُ اللَّهُ وَلَعَنَهُمْ حَسْبُهُمْ هِيَ فِيهَا خَالِدِينَ



“Аллоҳ мунофиқларга, мунофиқаларга ва кофирларга жаҳаннам оташини унда мангу қолувчилар қилиб ваъда қилди. Ўша улар учун етарлидир. Ҳамда Аллоҳ уларни лаънатлади. Уларга доимий азоб бордир” (68-оят).

Ушбу ояти каримада мунофиқларга бериладиган жазоларнинг охирадгагиси ва энг улуғи улгуржи равишда тафсилотсиз баён этилмоқда:

«Аллоҳ мунофиқларга, мунофиқаларга ва кофирларга жаҳаннам оташини унда мангу қолувчилар қилиб ваъда қилди».

Ушбу жумлада умумлаштириб, «мунофиқларга» деб қўявермасдан, алоҳида-алоҳида қилиб, «мунофиқларга, мунофиқаларга ва кофирларга», дейилиши ҳам уларга охиратда бўладиган азоб шиддатли бўлишини таъкидлайди. Аллоҳ таоло тамонидан жаҳаннам оташининг ваъда қилиниши эса уларнинг жаҳаннам оташида жизғинак бўлиб куйишларига заррача ҳам шубҳа йўқлигини билдиради. Чунки Аллоҳ таолонинг ваъдаси ҳақдир. Мазкур мунофиқ ва кофирлар жаҳаннам оташида бир марта ёки маълум муддат куйиб, сўнгра қутулиб қолмайдилар. Балки

**«Ўша улар учун етарлидир».**

Шундай бўлса ҳам, уларга яна бошқа азоб-уқубатлар ҳам бор.

**«Ҳамда Аллоҳ уларни лаънатлади. Уларга доимий азоб бордир».**

Буларнинг ҳаммаси уларнинг қилмишларига муносиб жазодир.